



Lezoko Unibertsitateko Udala

LEZOKO APARKALDI MUGATUAREN ARAUTZEA

Zioa.- Proposamen hau egiteko, herritarrek udalerriko hainbat gunetan aparkatzeko arazoagatik jasotako kexak kontuan hartu dira. Kexa horiek aztertu eta aparkatzeko arazoak gero eta handiagoak direla ikusi ondoren, egokitzen joan da Lezoko udalerrian aparkaldi mugatuko hainbat eremu sortzea. Hori guztia, aparkaleku falta dela eta, inguruan sortzen ari diren arazo larrien ondorioz.

Legezko oinarria.- Espazio publikoa arautzeko eta kudeatzeko legeek udalei ematen dizkieten eskumenez gain, 2008ko urriaren 1ean onartutako Zirkulazioa Arautzeko Ordenantzaren 28. artikulua aukera ematen du hainbat zonalde edo auzotan aparkatzeko neurriak ezartzeko, aparkatzeko txandak ezarri eta horretarako dagoen espazio publikoa modu jakin batean kudeatu ahal izateko.

Proposamena.- “Zioa” atalean adierazitakoa aintzat hartuta eta eskatutakoari kasu eginez, azterketa hori egin zen. Hala, ordenantza moduan proposatu nahi du Buruzagitza honek arautze hori.

LEZOKO APARKALDI MUGATUA ARAUTZEKO ORDENANTZA

1. art.- Pertsonen eta ibilgailuen kaleetako zirkulazioari dagokionez Toki Araubidearen Oinarriak Arautzeko Legeak eta Trafikoari, Motorrezko Ibilgailuen Zirkulazioari eta Bideko Segurtasunari buruzko Legeak udalerrian emandako eskumenak eta Zirkulazioa Arautzeko Lezoko Udalaren Ordenantzaren 28. artikulua aintzat hartuta egin da ordenantza hau.

2. art.- Ordenantza honen xedea da ordenantza honen 6. artikuluan aipatutako lekuetako aparkaldi mugatuaren inguruko arauak eta leku horietan aparkatu ahal izateko baimena esleitzeko baldintzak ezartzea.

3. art.- Honako hauek dira leku horietan aparkaldia mugatzeko helburuak: batetik, aparkaleku eskaerari behar bezala erantzutea, helburu orokorrak aintzat hartuta, aparkalekuak txandaka erabili ahal izateko; eta bestetik, erabilera publikoko aparkalekuak kudeatzea, horretarako beharrezkoak diren neurriak ezarrita.

4. art.- Arau hauek ordenantza honen 6. artikuluan aipatutako zonaldeetako aparkaldi mugatuaren inguruko xehetasunak eskaintzen dituzte.

5. art.- Salbuespen gisa, egoki irizten dituen neurriak hartu ahal izango ditu alkateak edo ordezkari eskumendunak, eta ordenantza honek araututako aparkatze-baldintzak aldi baterako aldatu edo bertan behera utzi, zirkulazioagatik edo antzeko bestelako hainbat egoeragatik hala komeni bada.

6. art.- Aparkaldi mugatua xede duen ordenantza honen eraginpeko lekuak behar bezala seinaleztatuko dira; ordenantza hau honako zonalde hauetan aplikatuko da:

1. zonaldea: T. Garbizu kalea. Ordenantza honek eragina izango du Tomas Garbizu kaleko aparkalekuetan (hain zuzen kale horretako 1 zenbakitik 20 zenbakia bitartekoetan)



Lezoko Unibertsitateko Udala

2. zonaldea: Polentzarrene, Guillermo De Lazon eta Hipolito Gezala kaleak. Ordenantza honek eragina izango du Polentzarrene kaleko aparkalekuetan (kale hasieratik, kale Nagusia 25 zenbakiko garaje sarreraraino), Guillermo De Lazon kaleko aparkaleku guztiak (1tetik 20ra) eta Hipolito Gezala kaleko aparkaleku guztiak.

3. zonaldea: Zubitxo kalea eta Elias Salaberria kalea. Ordenantza honek eragina izango du Zubitxo kaleko aparkalekuetan (23 zenbakitik 37 zenbakira) eta Elias Salaberria kaleko aparkalekuetan (1 zenbakitik 14 zenbakiraino kaleko bi aldeetan)

1., 2. eta 3. zonaldeetan ordutegi murriztua 20:00etatik 08:00etara izango da. Ordutegi horretan, dagokion udal baimena dutenek soilik aparkatu ahal izango dituzte euren ibilgailuak.

7. art.- Udaltzaingoaren sailaren bitartez, 6. atalean adierazitako edozein zonaldeetan aparkatzeko balio garria izango den txartel ofizial bakarra egingo du Udalak kotxe bakoitzeko, balio iraunkorarekin, baldin eta artikulua honetako "a" baldintza betetzen jarraitzen bada. Baldintza hori betetzen ez bada, txartela baliogabetzat joko da, Udaltzaingoak kenduko du eta 9 e) artikulua aplikatuko da.

Txartelaren ezaugarriak I. eranskinean ageri direnak izango dira.

Udaltzaingoak txartelen erregistroa egingo du, baimen zenbakien arabera.

Era berean, Udalak txartel ofizial hori eman ahal izango du, gehienez ere urtebeterako, dagokion udal arduradunaren iritziz egoera bereziak (gaixotasuna, lan-arrazoia, etab.) egiaztatzen dituzten ibilgailuentzat.

Baldintzak:

Honako hauek dira aparkatzeko txartela eskuratzeko baldintzak:

1., 2. eta 3. zonalderako:

- a) Lezon erroldatuta egotea eta ibilgailua udaletxe horretan erroldatuta edukitzea.
- b) Udalarekin zorrik ez izatea.
- c) Txartela egiteko eta izapidetzeko gastuei dagokien udal tasa ordaintzea, ordaindu beharrekoa dagokion araudi fiskalean jasota dago.
- d) Kotxeko segurua indarrean izatea.

8. art.- Ordenantza honen eraginpeko zonaldeetan hori urratu gabe aparkatzeko, honako baldintza hauek bete beharko dira:



Lezoko Unibertsitateko Udala

- a) Lezoko Udalak egindako txartela ibilgailuaren aurreko kristalean jarri behar da (goiko aldean, eskuinean), kanpotik ongi ikusteko moduan.
- b) Ordenantza honen 6. artikuluan aipatutako zonaldeetan aparkatzeko baimena duten ibilgailuek gainerako ibilgailuek dituzten eskubide eta betebeharrak berdinak izango dituzte, aparkatzeko ordutegitik kanpo badaude.
- c) Ibilgailu bakoitzak txartel bakarria izango du.

9. art.- Ordenantza honen edozein artikulua edota horiek garatzeko Alkatetzak onartutako xedapenak urratuz gero, trafikoaren eta zirkulazioaren inguruko arauak urratuko dira, eta legeek horretarako ezarritako zigorrak bete beharko dira.

Arau-haustea izango da:

- a) Txartel ofizialik gabe aparkatzea.
- b) Ibilgailuaren aurreko kristalean, goiko aldean, eskuinean, txartel ofizialik ez edukitzea.
- c) Txartela manipulaturik, faltsututa, iraungita edo ezeztatuta egotea, edo dagokiona ez izatea.
- d) Leku berean hamar egunetik gora egotea aparkatuta.
- e) Txartelarekin aparkatzea 7. artikuluan "a" atalean ezarritako baldintzak bete gabe.

10. art.- Ordenantza honen 8. eta 9. artikuluetan aipatutako arau-urratzeak arinak izango dira, zigorrei dagokienez.

11. art.- Ordenantza honek aurreikusi gabekoetarako, Trafikoari, Motorrezko Ibilgailuen Zirkulazioari eta Bideko Segurtasunari buruzko Legeak eta Zirkulazioari buruzko Araudi Nagusiak xedatutakoetara joko da, bai eta zirkulazioaren inguruko indarreko gainerako xedapenetara ere.

Lehenengo xedapen gehigarria.- Alkatetzak du eskubidea ordenantza hau interpretatzeko eta aplikatzeko beharrezkoak diren aginduak eta argibideak onartzeko.

Bigarren xedapen gehigarria.- Altamira auzoan aparkaldi mugatua arautzen duen aurreko ordenantzaren arabera, 2025/12/31ko iraungitze data zuten txartelak, iraunkorrak izatera igaroko dira. Ordenantza honek ematen dituen baldintza berberetan.

Xedapen indargabetzaile bakarra.- Altamirako aparkaleku mugatua arautzen duen ordenantza, (2011UD290001), indargabetuta geratuko da ordenantza hau indarrean sartzen denean.

Azken xedapena.- Ordenantza honek hamaika artikulua, bi xedapen gehigarri, xedapen indargabetzaile bat, azken xedapena eta I. eranskina ditu, eta Gipuzkoako Aldizkari Ofizialean argitaratu ondorengo lehen lanegunean sartuko da indarrean.



Lezoko Unibertsitateko Udala

I. ERANSKINA

Txartelen ezaugarriak.-

Ordenantza honen eraginpeko eremuetan aparkatzeko txartel ofiziala osatzen duten koloreari, letra-estiloari eta gainerako xehetasunei buruzko ezaugarriak baimenaren aurrealdeko ereduan adierazitakoak izango dira.

Txartelaren aurrealdean, baimendutako ibilgailuari dagokion matrikula agertu beharko da, bai eta iraungitze dataren aipamena eta testua ere, behe-rago datorren ereduan.

Aparkatzeko txartelaren aurrealdearen eredu:

LEZO
IBILGAILU BAIMENDUA
VEHICULO AUTORIZADO

Matrikula

Epemuga
Caducidad

Txartelaren atzealdean, erabilera baldintzak eta ereduan aipatzen den informazioa agertu beharko dira.

Txartelaren atzeko alderako eredu:

Erabiltzeko baldintzak:
Condiciones de uso:

Txartel hau ibilgailuaren aurreko kristalean jarri behar da (goiko aldean, eskuinean), kanpotik ongi ikusteko moduan.

Txartel hau gaizki erabiliko balitz, berehala indargabetuko litzateke, ondoriozta daitezkeen erantzukizun legalaz gain.

Informazio gehiago jasotzeko, deitu telefono honetara 943 524 003.

Este distintivo se enganchará en el parabrisas delantero del vehículo (en la parte superior derecha), de forma visible desde el exterior.

La utilización o manipulación incorrecta de este documento dará lugar a su inmediata cancelación al margen de cualquier otra responsabilidad legal.

Para más información, consulte en el teléfono 943 524 003.